



2
Քսինոսիան այցելել է Ֆրանսիա



Երկրագունդը շարունակում է ցնցվել

3



6
Մարտը գծություն չի անի



7

Ինչու՞ են երեխաները նմանակում ծնողներին

ISSN 1829-149X



0 9 0 0 7



9 771829 149003

ով իրազեկված է, նա տաշտամված է

Արտակարգ թերթ

N 7 (328)

5.3.2010 - 11.3.2010

www.emergency.am

Շնորհավոր Մարտի 8



Արշիկ Գորկի, «Մայր»

Բնական ու տեխնածին աղետների այս երկրում, որտեղ ամեն քար ու թփի տակ, ամեն սար ու ձորի ծերպերին վտանգ է թաքնված է կա ավելի հզոր պաշտպանական համակարգ, քան հայ կինը, մայրը, քույրը: Ասենք՝ բոլոր ազգերին էլ պահողը կինն է, բայց մերն՝ առավել:

Եվ որքան էլ միջազգային լինի այս գիծ ամսվա ութերորդ, թվում է, թե սովորական գարնանային օրը, միեւնոյն է, սա մեր օրն է, մեկն այն 366-ից, որում հայ կինը հերթական անգամ պետք է մեծարվի, գուցե ամենօրյա մեծարանքից քիչ ավելի: Ու բնավ էլ կապ չունի, թե դրսում ինչ եղանակ է գարուն, թե աշուն... Հայ կնոջ կողքին միշտ էլ գարուն է, ծաղկաշատ ու երանավետ, ապահով ու անվտանգ գարուն:


Մեր թանկագին սիրասուն մայրեր, փափկասուն կանայք, նազելի աղջիկներ, «Արտակարգ թերթը» շնորհավորում է ձեր գարնանային տոնը, ցանկանում ձեզ արտակարգ առողջություն, անխաթար երջանկություն, անսահման սեր ու լիակատար ինքնաիրացում:

«Արտակարգ ալիք» հեռուստահաղորդում

Ամենադժվար պահին նրանք միշտ ձեր կողքին են. Հայաստանի փրկարար ծառայության առօրյայից:

Քաղաքաշտպանության համաշխարհային օրվա՝ այս տարվա թեման «Աղետների թշկությունն» է:

Քաղաքաշտպանության միջազգային օրվան նվիրված միջոցառումներ երեւանում եւ մարզերում:



Առաջին օգնության հանրագիտարան՝ վիրակապեր:

Այս եւ այլ ուշագրավ թեմաների մասին՝ ուրբաթ, մարտի 5-ին, 23:10-ին՝ Շանթի եթերում: Կրկնությունը՝ շաբաթ, 9:10-ին եւ կիրակի, 12:20-ին:

Գարնանամուտ եւ քաղաքաշտպանություն



Մարտի 1-ը Հայաստանի Հանրապետությունում սկսվեց կրկնակի շնորհավորանքով. մեկը՝ գարնան առաջին, իսկ մյուսը՝ քաղաքաշտպանության միջազգային օրվա կապակցությամբ: 1994 թվականից Հայաստանի Հանրապետությունն անդամակցեց Քաղաքաշտպանության միջազգային կազմակերպությանը (ՔՊՄԿ): Այս տարվա կարգախոսն է՝ «Աղետների թշկությունը»:

Մարտի 1-ին ԱԻՆ Հայաստանի փրկարար ծառայության կողմից միայն երեւան քաղաքում անցկացվեց 115, իսկ մարզերում՝ 102 միջոցառում: Ընտրված թեմաները բազմազան էին՝ սկսած արտակարգ իրավիճակի դեպքում վարվեցողության կանոններից, մինչեւ քիմիական վտանգավոր նյութերի արտանետման դեպքում աշակերտների պաշտպանության կազմակերպումը: Չէին անտեսվել նաեւ

հակառակորդի հանկարծակի հարձակման ժամանակ թշկական օգնության կազմակերպմանը, ինչպես նաեւ կենսաբանական զենքի գործադրման միջոցներին, ձեւերին եւ դրանից պաշտպանվելու մեթոդներին վերաբերող թեմաները: Առաջին պլանում էին քաղաքաշտպանության գծով պատասխանատուները, որոնք պատմում էին, թե ինչ է քաղաքաշտպանությունը, ինչ գիտելիքներ է անհրաժեշտ ունենալ, ինչպիսի վարքագիծ պետք է ցուցաբերել աղետների ժամանակ եւ այլն:

Քաղաքաշտպանության միջազգային օրվա կապակցությամբ միջոցառում էր նաեւ մայրաքաղաքի Ստեփան Զորյանի անվան թիվ 56 դպրոցում: Առաջին դասաժամին, դպրոցի զինվորական աշակերտներին պատմել էր օրվա կարեւորության մասին ու պատասխանել նրանց հարցերին: Երեխաները դպրոցի տարիանման պլանին ծանոթ էին անցյալ տարիներին կազմակերպված միջոցառումներից ու գիտեին, թե ո՞ր հարկից, ո՞ր ուղղությամբ պետք է դուրս գան:

>>> 5

«Էլիտ Գրուպ»․ կյանքի նոր որակ



Սեյսմակայուն էլիտար շինարարության առաջատարը տարածաշրջանում

E-mail: info@elitegroup.am; URL: www.elitegroup.am

Հակասեյսմիկ համակարգերի միջազգային ասոցիացիայի անդամ «Էլիտ Գրուպ» ընկերությունը տարածաշրջանի առաջատարն է սեյսմակայուն շինարարության ոլորտում:

Առաջին անգամ Հայաստանում «Էլիտ Գրուպի» շենքերում սկսեցին կիրառել ռետինամետաղյա շերտավոր բարձիկներ, որոնցով երկնաքերներ են կառուցում ճապոնիայում, ԱՄՆ-ում, Չինաստանում եւ այլուր:

«Էլիտ Գրուպը» միակ ընկերությունն է Հայաստանում, որն արժանացել է միջազգային հեղինակավոր վկայականների՝ կառավարման, աշխատանքի պաշտպանության եւ անվտանգության ոլորտներում:

«Էլիտ Գրուպ»՝ բնակելի, առևտրային, առողջարանային ու հյուրանոցային համալիրներ, ամբողջական թաղամասեր, տարածաշրջանային ծրագրեր, տեղական ու միջազգային հեղինակավոր ու հուսալի գործընկերներ:

Ճիշտ կառավարումը գիտություն է, իսկ «Էլիտ Գրուպը»՝ կառավարվում է գիտնականների կողմից:

Երեւան, Պուշկինի 21, ☎ 56-69-22, 56-69-33:



Հայաստանի փրկարար ծառայություն զանգահարեք

1-01, 1-12

Անգիտակից վիճակում

Փետրվարի 26-ին, ժամը 11.40-ին ահազանգ է ստացվել, որ Երեւանի Դեմիրճյան 19/4 հասցեի բնակիչը չի արձագանքում հեռախոսի ու դռան զանգերին, եւ դուռը բացելու համար անհրաժեշտ է փրկարարների օգնությունը:

Դեպքի վայր մեկնած փրկարարները բացել են նշված բնակարանի դուռը, որտեղ հայտնաբերվել է 1936 թ. ծնված Մառլենա Դովսեփյանը՝ անգիտակից վիճակում:

Փրկարարների կողմից տուժածին ցույց է տրվել առաջին բուժօգնություն:

Բոփուլիզմ

Փետրվարի 26-ին Շիրակի մարզից տեղեկություն է ստացվել, որ ժամը 18.00-ին սննդային թունավորում (բոտուլիզմ) ախտորոշմամբ Գյումրիի ինֆեկցիոն հիվանդանոց է տեղափոխվել նույն քաղաքի Շահինյան 6ա/55 հասցեի բնակիչ, 1982 թ. ծնված Պողոս Գրիգորյանը: Նախնական տվ-

յալներով՝ թունավորման պատճառ է համոզիսացել պահածոյացված պոմիդորը:

Բժիշկների կողմից տուժածի վիճակը գնահատվել է ծանր:

Հայտնաբերվել է դիակ

Փետրվարի 27-ին, ժամը 13.15-ին Սեւան քաղաքի ոստիկանության բաժնից ահազանգ է ստացվել, որ նույն քաղաքի Սայաթ-Նովա 22/17 հասցեում հնարավոր է դիակի առկայություն, եւ դուռը բացելու համար անհրաժեշտ է փրկարարների օգնությունը:

Դեպքի վայր է մեկնել մեկ մարտական հաշվարկ:

Փրկարարների ուժերով բացվել է բնակարանի դուռը, որտեղ հայտնաբերվել է տանտիրուհու՝ 1950 թ. ծնված Ա. Գետրոյանի դին:

Փետրվարի 28-ին, ժամը 13.05-ին ահազանգ է ստացվել, որ Գավառ քաղաքի Կաբելագործների 44/37 հասցեի բնակիչը չի արձագանքում հեռախոսի ու դռան զանգերին, եւ դուռը բացելու համար անհրաժեշտ է փրկարարների օգնությունը:

Դեպքի վայր է մեկնել Գեղարքունիքի մարզային փրկարարական վարչության փրկարար ջոկատը:

Փրկարարների կողմից բացվել է բնակարանի դուռը, որտեղ հայտնաբերվել է 1936 թ. ծնված Ռազմիկ Սիրականյանի դին:

Փլուզում

Մարտի 1-ին, ժամը 11.30-ին Գյումրի քաղաքի Ռուսթավելու 29 հասցեից ահազանգ է ստացվել, որ տեղի է ունեցել տան ծածկի փլուզում:

Դեպքի վայր է մեկնել Շիրակի մարզային փրկարարական վարչության օպերատիվ խումբը:

Տեղում պարզվել է, որ նշված հասցեում տեղակայված տունը կառուցվել է 1881 թ., ունի վթարայնության 4-րդ աստիճան, մուտքի հիմնական պատերի վերին շարվածքը խարխված է, նախկինում փլուզվել է հողային ծածկի մի մասը, իսկ գիշերվա ընթացքում՝ նաեւ մյուս հատվածը:

Փրկարարների կողմից տան բնակիչներին հետ տարվել են բացատրական աշխատանքներ անվտանգության կանոնների պահպանման վերաբերյալ:

Դեպքի մասին տեղյակ է պահվել Գյումրիի քաղաքապետարանը:

Ջոհեր՝ մեքենաների բախումից

Փետրվարի 28-ին, ժամը 18.20-ին Մեղրի քաղաքի ճանապարհային ոստիկանությունից տեղեկություն է ստացվել, որ Ագարակ-Երեւան ավտոճանապարհի 2-րդ կմ-ում տեղի է ունեցել ավտոպատահար, եւ անհրաժեշտ է փրկարարների օգնությունը:

Դեպքի վայր է մեկնել մեկ մարտական հաշվարկ:

Դեռեւս չպարզված հանգամանքներում՝ իրար են բախվել են «Օպել-Վեկտրա» մակնիշի 08 UL 569 եւ «ՎԱԶ-21011» մակնիշի 08 OL 643 պետական արանիշերի ավտոմեքենաները:

Պատահարի հետեւանքով մեքենաների վարորդներ՝ 1987 թ. ծնված Ն. Հակոբյանը եւ 1985 թ. ծնված Մ. Հայրապետյանը, տեղում զոհվել են, իսկ «Օպել-Վեկտրա» մակնիշի ավտոմեքենայի ուղեւոր, 1983 թ. ծնված Հ. Վվադյանը եւ «ՎԱԶ-21011» մակնիշի ավտոմեքենայի ուղեւորներ՝ 1985 թ. ծնված Ա. Ծատրյանը, 1984 թ. ծնված Է. Բադալյանը եւ 1988 թ. ծնված Ա. Սիրգոյանը ստացել են տարբեր մարմնական վնասվածքներ:

Փրկարարների օգնությամբ տուժածները դուրս են բերվել ավտոմեքենաներից եւ տեղափոխվել Ագարակի հիվանդանոց:

Բժիշկները տուժածների վիճակը գնահատել են բավարար:

Մեքենան հարվածել է գազադարին

Մարտի 1-ին, ժամը 17.33-ին ահազանգ է ստացվել, որ Երեւանի Դրոյի փողոցի թիվ 40 շենքի մոտակայքում ավտոմեքենան հարվածել է գազատար խողովակին, եւ հնարավոր է հրդեհի բռնկում:

Դեպքի վայր է մեկնել մեկ մարտական հաշվարկ:

Դեռեւս չպարզված հանգամանքներում՝ Ա. Թադեւոսյանին պատկանող «ԲՄՎ-316» մակնիշի 05 ՕՍ 358 պետական արանիշի ավտոմեքենան բախվել է գազատար խողովակին, ինչի հետեւանքով առաջացել է գազի արտահոսք: Դեպքի վայր մեկնած «1-04» ծառայության աշխատակիցները վերացրել են գազի արտահոսքը, իսկ հրշեջ-փրկարարների կողմից իրականացվել են խողովակի հովացման աշխատանքներ:

Ջոհեր եւ վիրավորներ չկան:

Շաբաթվա ընթացքում հանրապետության տարածքում արձանագրվել է տարաբնույթ հրդեհների 27 դեպք:

Այրվել է անասնակեր

Փետրվարի 25-ին Լոռու մարզից տեղեկություն է ստացվել, որ ժամը 19.19-ին հրդեհ է բռնկվել Վանաձորի Սանկտ Պետրբուրգի փողոցի 211-րդ տան բակում:

Դեպքի վայր է մեկնել մեկ մարտական հաշվարկ: Հրդեհը մեկուսացվել է ժամը 19.38-ին, մարվել՝ 20.25-ին:

Այրվել է Ա. Ասլանյանին պատկանող տան բակում պահեստավորված 1000 քմ մակերեսով անասնակերը եւ ոչ բնակելի տնակի հատակը՝ 1 քմ մակերեսով:

Գոհար Բաղդասարյան

միջազգային լուրեր

Քսինիան այցելել է Ֆրանսիա

Փետրվարի 28-ին Արեւմտյան Եվրոպայում բարձրացած հուժկու փոթորկին զոհ է գնացել 52 մարդ, մոտ 60-ը տարբեր աստիճանի վնասվածքներով տեղափոխվել են հիվանդանոց: Քսինիա անունը կրող փոթորկի զոհ է դարձել 45 ֆրանսիացի, նրանց մեծ մասը զոհվել է մերձծովյան շրջաններում: Ավելի քան մեկ միլիոն մարդ մնացել է առանց էլեկտրաէներգիայի: Տասնյակ մարդիկ համարվում են անհետ կորած:



Փոթորիկը սկիզբ է առել Իսպանիայի եւ Ֆրանսիայի ափամերձ շրջաններից եւ շարժվել Գերմանիայի, Բելգիայի եւ Նիդեռլանդների ուղղությամբ: Ֆրանսիացի մասնագետները Քսինիան բնութագրել են որպէս վերջին տասնամյակի ամենաուժեղ փոթորիկը: Քամու արագությունը հասել է 150 կմ/ժ-ի:

Ֆրանսիայի կառավարությունն արդեն որոշում է կայացրել մեկ միլիոն եվրո գումար հատկացնել տուժած շրջաններին՝ աջակցություն ցուցաբերելու համար: Տուժած շրջաններ է այցելել երկրի նախագահ Նիկոլա Սարկոզին:

Ձմեռը դեռ շարունակվում է

Մեծ Բրիտանիան շարունակում է ծածկված մնալ ձնով: Առատ տեղումների հետեւանքով Շոտլանդիայում մեկ օրվա ընթացքում ծյան շերտի հաստությունը հասել է մոտ մեկ մետրի, որը ռեկորդային ցուցանիշ է այս շրջանի համար: Վատ եղանակի պատճառով հոսանքազրկվել է մոտ 50 հազար տուն:

Ուժեղ տեղումները կաթվածահար են արել ԱՄՆ-ի ամբողջ հյուսիսարեւելյան հատվածը: Նյու Յորքում տեղացած ծյան շերտը կես մետր է կազմել: Քաղաքի կենտրոնական զբոսայգում ծյան ծածկի հաստությունը հասել է 55 սմ-ի, իսկ որոշ թաղամասերում՝ 65 սմ-ի: Նյու Յորքի դպրոցներում հետաձգվել են դասերը, փակվել է ՄԱԿ-ի գրասենյակը, հասարակական տրանսպորտն անկանոն է աշխատում: ԱՄՆ հյուսիսարեւելյան նահանգների մի շարք խոշոր քաղաքների օդանավակայաններում կայքերը փակվել են:



վակայաններում հետաձգվել են հազարավոր ավիաթռիչքներ: Այս ձմեռ Նյու Յորքում վերջին տասնամյակի կտրվածքով ամենաուժեղ տեղումներն են գրանցվել: Եղանակային վատ պայմաններն առնվազն երեք մարդու մահվան պատճառ են դարձել, հազարավոր սպառողներ մնացել են առանց էլեկտրաէներգիայի:

Հրավառություն՝ փխուր վերջաբանով

Փետրվարի 26-ի երեկոյան Չինաստանի ուանդուն շրջանում հրավառության հետեւանքով զոհվել է 19 մարդ, ավելի քան 30-ը ստացել են տարբեր մարմնական վնասվածքներ: Ըստ տեղական լրատվամիջոցների՝ դեպքը տեղի է ունեցել Գուանդուն շրջանի Պունին քաղաքում: Տեղի բնակիչների վկայությամբ՝ հրավառության նյութերը պայթել են բնակիչներից մեկի տան բակում:

Հրավառություն իրականացնող երկու մեղավորները ձերբա-

կալվել են:

Բռնկված կրակն անմիջապէս տարածվել է հարեւան շինությունների ուղղությամբ: Ոստիկանության տվյալներով՝ ողբերգության պատճառը պայթուցիկ տանգոյ մուտքի հետ անգոյւշ վարվելն է եղել: Պայթյունը ոչնչացրել է առնվազն 4 բնակելի տուն:

Ինքնաթիռն ընկել է բնակելի տների վրա

Մարտի 3-ին Հնդկաստանի Հայդարաբադ քաղաքում ավիաշուկի բացման ժամանակ անհայտ պատճառներով կործանվել է երկրի ռազմածովային ուժերի ինքնաթիռը:

Բարձրագույն պիլոտաժի ցուցադրության ժամանակ ինքնաթիռը դարձել է անկառավարելի եւ ընկել բնակելի թաղամասի վրա: Երկու օդաչուները զոհվել են: Մի-



ջադեպի զոհ է դարձել նաեւ մեկ բնակիչ, եւս չորսը ստացել են տարբեր մարմնական վնասվածքներ:

Ականատեսների վկայությամբ՝ ինքնաթիռը նախ բախվել է շենքերից մեկի տանիքին գտնվող բջջային կապի աշտարակին,

այնուհետեւ՝ ընկել բնակելի տների վրա: Ինքնաթիռը կործանվել է շուրջ բացումից 15 րոպէ անց:

Միջադեպի կապակցությամբ ավիաշուկի աշխատանքները չեն դադարեցվել:

Պայթյուն Վրաստանի հանքահորում

Մարտի 3-ի գիշերը Արեւմտյան Վրաստանում գտնվող Տկիբուլյան հանքահորում տեղի ունեցած պայթյունի հետեւանքով զոհվել է չորս հանքափոր, եւս մի քանիսը ստացել են վնասվածքներ: Միջադեպը տեղի է ունեցել «Վրացքարածուխ» ընկերությանը պատկանող հանքահորում:

Նախնական տվյալներով՝ պայթյունի պատճառը մեթանի արտահոսքն է եղել:

Հրդեհ հոգեբուժարանում

Մարտի 3-ին հրդեհ է բռնկվել Լեհաստանի Լյուբլինց քաղաքի հոգեբուժարանում: Կան զոհեր եւ տուժածներ:

Հրդեհի հետեւանքով զոհվել է հոգեբուժարանի երեք հիվանդ, եւս վեցը ստացել են տարբեր աստիճանի այրվածքներ:

Նախնական տվյալներով՝ շենքի առաջին հարկի հիվանդասենյակներից մեկում ներքնակ է այրվել, որից հետո հրդեհը տարածվել է ամբողջ շենքով: Հոգեբուժարանից տարահանվել է 20 մարդ:

Ֆաինա Թյունիբաբյան



արագ արձագանքման ծառայություններ

Հաղորդում է ԼՂՀ Փրկարար ծառայությունը

Դժբախտ պատահար

Փետրվարի 28-ին, առավոտյան ժամը 9:00-ի սահմաններում, Շուշի քաղաքի բնակիչ Յ.Ե. Աղաջանյանը (1978 թ.) ալեհավաքն ուղղելու նպատակով բարձրացել է հինգահարկանի շենքի տանիքը, վայր ընկել եւ տեղում մահացել:

ՃՏՊ

Մարտի 1-ին Ստեփանակերտի Տիգրան Մեծի փողոցում իրար են բախվել «ՁԻՊ Պաշտոն» եւ «Ֆոլքսվագեն» մակնիշի ավտոմեքենաները: Բախման արդյունքում տարբեր աստիճանի վնասվածքներ են ստացել Ա.Վ.Սարգիսովը (ԼՂՀ Մարտունու շրջանի ճարտար գյուղի բնակիչ, ծնվ. 1985 թ.) եւ Յ.Ե.Յայրապետյանը (Ստեփանակերտի բնակիչ, ծնվ. 1996 թ.): Տուժածները տեղափոխվել են համապատասխանաբար՝

ԼՂՀ հանրապետական հիվանդանոց եւ «Արեւիկ» մանկաբուժական հիվանդանոց: Ըստ բժշկների, տուժածների վիճակը գնահատվում է բավարար:

Յրդեհ

Մարտի 3-ին հրդեհ է բռնկվել Ստեփանակերտի Աբովյան փ.35 հասցեում: Դեպքի վայր է ժամանել մեկ մարտական հաշվարկ: Յրդեհի արդյունքում այրվել է 700 մ/բ չոր խոտածանկ:

Կենցաղային կանչեր

Նշված ժամանակահատվածում ԼՂՀ ՓԾ օպերատիվ հերթապահ մասում գրանցվել է 5 ահազանգ, բոլորն էլ մուտքի դռների փակման հետ կապված: Նշված բոլոր դեպքերում փրկարարների կողմից ցուցաբերվել է անհրաժեշտ օգնություն:



Երկրագունդը շարունակում է ցնցվել

Երկրաշարժի պարամետրերը եւ նախնական հետեւանքները

Փետրվարի 27-ին, շաբաթ առավոտյան, Չիլիում տեղի է ունեցել ավերիչ երկրաշարժ, որի ուժը (մագնիտուդը) եղել է 8,8՝ ըստ Ռիխտերի սանդղակի, իսկ ուժգնությունն էպիկենտրոնային գոտում կազմել է 11 բալ: Էպիկենտրոնը, որը գտնվում էր օվկիանոսում՝



ափից 5 կմ հեռու, երկրի մայրաքաղաք Սանտյագոյից գտնվում էր 325 կմ, Կոնսեպսիոն քաղաքից՝ 115 կմ, Չիլլան քաղաքից՝ 100 կմ հեռավորության վրա: Մարտի 4-ի դրությամբ երկրաշարժը խլել է 800 մարդու կյանք: Այս թիվն աճում է, քանի որ կան մեծ թվով անհայտ կորածներ: Ավերվել է երկրի մոտ 80%-ը: Երկրաշարժի հետեւանքով զոհվածների թիվն ամենամեծն է Մաուլե (541) եւ Բիո Բիո շրջաններում (64): Աղետից տուժածների ընդհանուր թիվը գերազանցում է 2 միլիոնը: Գլխավոր ցնցումին հետեւել են տարբեր ուժի ավելի քան 100 հետցնցումներ, ընդ որում 6,0 եւ ավելի մագնիտուդով՝ 12 հետցնցում:

Վերջին անգամ Չիլիում ավերիչ երկրաշարժ եղել է 1960թ. մայիսի 22-ին: Այն ունեցել է 8,5 մագնիտուդ, խլել է 5000 մարդու կյանք՝ առաջացնելով համատարած ավերածություններ, ցունամի եւ հրաբխային ակտիվություն:

Հետեւանքների վերացմանն ուղղված քայլերը

Երկրաշարժի հետեւանքների վերացման նպատակով հրավիրված խորհրդակցության ժամանակ երկրի նախագահ Միշել Բաչելետը հայտարարել է արտակարգ դրություն Մաուլե եւ Բիո Բիո շրջաններում: Չինվորականներին հանձնարարված է կանխել դիակապության դեպքերը՝ հատկապես Կոնսեպսիոն քաղաքում: Նշված շրջաններում Չիլիի իշխանությունները հայտարարել են պարետային ժամ՝ 21.00-ից մինչեւ 6.00-ը:

Նախագահ Բաչելետը կոչ է արել ժողովրդին ցուցաբերել դիմացկունություն եւ ցավակցել է երկրաշարժից տուժածներին: Նա խնդրել է ակտիվ մասնակցություն ունենալ երկրի վերականգնման աշխատանքներին:

Չիլիի երկրաշարժը եւ ՀՀ փարածքի սեյսմիկ ռեժիմը

Իհարկե, Չիլիի՝ փետրվարի 27-ի հզոր երկրաշարժը կունենա իր ազդեցությունը երկրագնդի սեյսմիկ իրավիճակի վրա: Ինչ վերաբերում է այդ երկրաշարժի ազդեցությանը մեր հանրապետության սեյսմիկ ռեժիմի վրա, ապա այն կլինի աննշան: Բանն այն է, որ Չիլիի տարածքը գտնվում է Նասկայի եւ Հարավամերիկյան տեկտոնական սալերի, իսկ Հայաստանի Հանրապետության տարածքը՝ Արաբական եւ Եվրասիական տեկտոնական սալերի բախման գոտում: Հեռավորությունն էլ մեր երկրների միջեւ մոտ 10 000 կմ է: Օրինաչափ է, որ ինչքան խորն է երկրաշարժի հիպոկենտրոնը, այնքան ավելի մեծ է նրա ազդեցության տարածքը եւ ավելի թույլ է այդ ազդեցությունը: Համեմատելով, միմյայն սեյսմոլոգիական տեսանկյունից, Չիլիի փետրվարի 27-ի (M=8,8, զոհերի քանակը՝ 800) եւ Սպիտակի 1988թ. (M=7,0, զոհերի քանակը՝ 25000) ավերիչ երկրաշարժերը, տեսնում ենք անհամաչափություն այդ երկրաշարժերի ուժի եւ դրանց հետեւանքով զոհվածների քանակի միջեւ: Հավանաբար, այդ անհամաչափությունը սեյսմոլոգիական տեսանկյունից կարելի է բացատրել հիպոկենտրոնների տարբեր խորություններով:

Հ.Պետրոսյան, Մ.Ենանով ՍՊԱԾ աշխատակիցներ



սեյսմիկ պաշտպանություն

Ս. ք. փետրվարի 25-ից մարտի 4-ը ՍՊԱԾ-ի սեյսմիկ կայանները Հայաստանի եւ նրան հարակից տարածքներում 3 բալ եւ ավելի ուժգնությամբ գրանցել են երկու երկրաշարժ: Մարտի 2-ին Իրան-Թուրքիա-Հայաստան սահմանային գոտում՝ Իրանի Մակու քաղաքից 34 կմ դեպի հյուսիս-արեւելք, տեղի է ունեցել 3-4 բալ ուժգնությամբ երկրաշարժ: Նույն օրը 3 բալանոց սեյսմիկ ցնցում է գրանցվել Հայաստանի Գառնի գյուղից 10 կմ դեպի հարավ-արեւմուտք, որին նույն օրը հաջորդել է 2 բալանոց երեք հետցնցում:

Տարածաշրջանում. 3 բալ եւ ավելի ուժգնությամբ տեղի է ունեցել ութ երկրաշարժ: Փետրվարի 26-ին Վրաստանի Թեթլի քաղաքից 33 կմ դեպի հյուսիս-արեւմուտք գրանցվել է 4 բալ ուժգնությամբ երկրաշարժ: Նույն օրը Իրանի Սալմաս քաղաքից 30 կմ դեպի հյուսիս-արեւելք տեղի է ունեցել 3 բալանոց սեյսմիկ ցնցում: Հաջորդ երկրաշարժը՝ 3-4 բալ ուժգնությամբ, գրանցվել է փետրվարի 27-ին Թուրքիա-Իրան սահմանային գոտում՝ Դոդուբայազետ (Թուրքիա) քաղաքից 40 կմ դեպի հյուսիս-արեւելք: Հաջորդ օրը Թուրքիայում 3 երկրաշարժ է տեղի ունեցել՝ Չալդրան քաղաքից 37 կմ դեպի հարավ-արեւմուտք, Կարս քաղաքից 50 կմ եւ 38 կմ դեպի արեւմուտք, համապատասխանաբար՝ 3 բալ, 4 բալ եւ 3 բալ ուժգնությամբ: Մարտի 1-ին Վրաստան-Ադրբեջան-Ռուսաստան սահ-

մանային գոտում՝ վրացական Քվարելի քաղաքից 28 կմ դեպի հարավ-արեւելք, եւ Վրաստանում՝ Դմանիսի քաղաքից 20 կմ դեպի հարավ-արեւմուտք, գրանցվել են 3 բալ ուժգնությամբ թույլ երկրաշարժեր:

Տարածաշրջանից դուրս. 6.0 եւ ավելի մագնիտուդով գրանցվել է 15 ուժեղ երկրաշարժ, որոնք տեղի են ունեցել խաղաղօվկիանոսյան օղակաձեւ հրե գոտում: Փետրվարի 26-ին 7.0 մագնիտուդով ուժեղ սեյսմիկ իրադարձություն է տեղի ունեցել ճապոնիայի հարավային ափամերձ գոտում, որը բերել է ջրամատակարարման համակարգի ժամանակավոր խափանման: Հաջորդ օրն ավերիչ երկրաշարժ է գրանցվել Չիլիի ափամերձ գոտում, Կոկեմես քաղաքից 42 կմ դեպի արեւմուտք, որն ունեցել է 8.8 մագնիտուդ: Մինչ օրս երկրաշարժին հետեւել է միջին ուժգնությամբ ավելի քան 100 հետցնցում, իսկ 6.0 եւ ավելի մագնիտուդով՝ 12 հետցնցում: Ըստ նախնական տվյալների՝ երկրաշարժերի եւ նրանց հաջորդող ցունամիի հետեւանքով զոհվել է 800 մարդ, կան տուժածներ եւ ավերածություններ: Մարտի 4-ին 6.3 մագնիտուդով ուժեղ երկրաշարժ է գրանցվել Թայվանի Յունգվանգ քաղաքից 30 կմ դեպի արեւմուտք, որի հետեւանքով վիրավորվել է 11 մարդ, մասնակիորեն վնասվել են շենքեր եւ շինություններ:

ՍՊԱԾ գործակալություն

եղանակի տեսություն

Փետրվարի 18-24-ը դիտված հիդրոօդերեւութաբանական պայմանները ՀՀ-ում

Հայաստանի տեղում ունեցող փետրվարի 28-ի գիշերը շրջանների մեծ մասում դիտվել են թույլ տեղումներ՝ մինչեւ 2-6 մմ քանակությամբ: Մնացած օրերին դիտվել է առավելապես առանց տեղումների եղանակ: Ամենաբարձր ջերմաստիճանը դիտվել է Սյունիքի հովիտներում՝ +17... +20 °C, Արարատյան դաշտում՝ +15... +17 °C, Տավուշ-

ում, Լոռիում, Սյունիքի նախալեռներում՝ +10... +15 °C, Լեռնային շրջաններում, Արցախում՝ +7... +10 °C:

Ամենացածր ջերմաստիճանը գրանցվել է Լեռնային շրջաններում՝ -4... -8 °C, Լոռիում, Տավուշում, Սյունիքի նախալեռներում՝ -2... -7 °C, Արարատյան դաշտում, Սյունիքի հովիտներում, Արցախում՝ -1... +3 °C:

Առաջիկա 5 օրվա եղանակի կանխատեսում

Մարտի 5-ին՝ երեկոյան ժամերին, 6 եւ 9-ին՝ առանձին շրջաններում սպասվում են թույլ տեղումներ: 5-ի գիշերը սպասվում է առանց տեղումների եղանակ: Քամին՝ հարավարեւմտյան՝ 3-8 մ/վրկ արագությամբ: Օդի ջերմաստիճանը 5-ի գիշերը կնվազի 3-5 °C, ցերեկը նույնքան կբարձրանա, 6-9-ը կբարձրանա ընդհանուր առմամբ եւս 4-6 °C:

Մարտի 5-ին նվազագույն ջերմաստիճանը Արարատյան դաշտում կտատանվի -1... +3 °C, Սյունիքի հովիտներում՝ 0... +4 °C, Տավուշում, Սյունիքի նախալեռներում՝ 0... -5 °C, Լոռիում՝ -1... -6 °C, Լեռնային շրջաններում՝ -4... -9 °C սահմաններում:

Առավելագույն ջերմաստիճանը Արարատյան դաշտում կտատանվի +10... +15 °C, Սյունիքի հովիտներում՝ +11... +16 °C, Սյունիքի նախալեռներում՝ +8... +12 °C, Տավուշում՝ +10... +14 °C, Լոռիում՝ +9... +13 °C, Լեռնային շրջաններում՝ +2... +7 °C սահմաններում:

Երեւանում մարտի 5-ի գիշերը սպասվում է առանց տեղումների եղանակ: 5-ի երեկոյան ժամերին, 7-ին հնարավոր է թույլ անձրեւ: Մարտի 6-ին, 8-ին, 9-ին էական տեղումներ չեն սպասվում: Օդի ջերմաստիճանը 5-ի գիշերը կտատանվի 0... +2 °C, ցերեկը +12... +14 °C սահմաններում:



աղետի դասերը

Ուղերձ Հանսին-Ավաձիից

Այսօր արդեն շատերը գիտեն, որ ճապոնիան սեյսմավտանգ գոտում է, եւ այստեղ հաճախ են ավերիչ երկրաշարժեր լինում: Գաղութացիները, սակայն, սովորել են հաշտ ապրել տարերքի հետ: Աշխարհին տեխնոլոգիական հրաշքներով զարմացնող այս երկիրը եւս մի ուսանելի ոլորտ է բացահայտել՝ սեյսմակայուն շինարարություն:

Այս տարվա՝ Հայիթիի եւ Չիլիի կործանարար երկրաշարժերը եւս մի հիշեցում են, որ անփութությունը շինարարության ոլորտում պատժելի է: Մենք կարող ենք դա հաստատել, մենք դրա ականատեսն ենք եղել 88-ին՝ Սպիտակում: Իսկ որ իրազեկվածությունը եւս կարող է կյանքեր փրկել, նույնպես յուրացրել ենք:

Այս համարից՝ Ձեզ կներկայացնենք ճապոնական Հանսին-Ավաձի քաղաքի 2005 թ. հունվարին տեղի ունեցած ուժեղ երկրաշարժից քաղված դասերի ժողովածուն, որ մեզ են տրամադրել մեր ճապոնացի գործընկերները: Մասնագետների կողմից՝ այդ երկրաշարժի հետեւանցների ու հետագա իրադարձությունների մանրակրկիտ հետազոտման ու մշակման արդյունքում ստեղծված այս ձեռնարկը, կարծում ենք, օգտակար կլինի բոլորի համար:

1995 թվականի հունվարի 17-ին Հանսին-Ավաձիում տեղի ունեցած երկրաշարժից մեծ կորուստներ կրեց Հյոգո նահանգի հարավային հատվածը: Ձոհվածների թիվը մոտ 6400 էր, իսկ վնասի ընդհանուր գումարը՝ 1 տրիլիոն իեն: 2005 թվականի հունվարին Կոբեում Ադեսների հետեւանցների նվազեցման համաժառանգության միջոցով հրավիրվեց, որտեղ ընդգծվեց զարգացող երկրների՝ միջազգային համագործակցության միջոցով աղետներին դիմակայելու հնարավորությունների շատ զլորալ հզորացման կարելիությունը:

Այդ կառավարությանը Ադեսների նվազեցման ուսուցման միջազգային կենտրոնը եւ «Խիստ ռոբոտայի միջոցի»-ն («Մարդկության աղաքան ու անվտանգության միջոցառումներ»), գործնականում կիրառելով Հանսին-Ավաձիի երկրաշարժի փորձն ու ֆաղած դասերը, աշխարհում

աղետների նվազեցման ոլորտում կարգերի դասադասումը խթանելու նպատակով, որդես ուսումնական ձեռնարկ, հրատարակել են «Հանսին-Ավաձիի երկրաշարժից ֆաղած դասերի ժողովածուն»:

Այդ ժողովածուն կազմված է այն արժեքավոր դասերից, որոնք սերել են Հանսին-Ավաձիի երկրաշարժից հետո՝ որդես ուղերձ աղաքա սերունդներին եւ աշխարհի բոլոր մարդկանց: Մենք ցանկանում ենք, որ այն՝ որդես ուսումնական ձեռնարկ, լայնորեն կիրառվի Տարբեր երկրներում՝ աղետների հասցրած վնասի նվազեցման եւ անվտանգության միջոցառումների մշակման համար:

Մորիկավա Հիդեո Ադետների վտանգի նվազեցման ուսուցման միջազգային կենտրոնի տնօրեն

Սովորել

Միշտ եւ ամենուրեք սովորել աղետների եւ դրանց վտանգի նվազեցման մասին:

• Շատ կարելու է անվտանգության միջոցառումների վերաբերյալ դասընթացների եւ ուսուցման միջոցով իմանալ սեփական տարածաշրջանի տարերային աղետների մասին եւ փրկվելու համար ճիշտ տեղեկատվություն ունենալ:

Դասեր քաղել աղետներից եւ կապել դրանք աղետների վտանգի նվազեցման եւ կանխարգելման միջոցառումների հետ:

• Աղետները մշտապես կրկնվում են: Շատ կարելու է՝ հաջորդ սերունդին նախկին աղետներից քաղած դասերը փոխանցել իսկիրառել դրանք աղետների վտանգների նվազեցման տարբեր միջոցառումներում:



Պահպանել

Սեփական ուժերով ապահովել սեփական կյանքի ու քաղաքի պահպանությունը:

• Անվտանգության միջոցառումների գլխավոր գործունը ինքնօգնությունն է: Երբ ինքնօգնությունն ու փոխօգնությունը բավարար չեն, գործում է հանրության օգնությունը, այդ պատճառով էլ պետք է կարգավորել ինքնօգնությունը, փոխօգնությունն ու հանրային օգնությունը:

Սեփական տների անվտանգությունն ապահովելու շնորհիվ պաշտպանել ընտանիքն ու հա-



րեւաններին:

• Սեփական կյանքն ու ընտանիքը պաշտպանելու համար կարելու է տան սեյսմակայունության ապահովման միջոցառումներ ձեռնարկել: Սեփական տան անվտանգության պահպանումը կապված է շրջանի սեյսմակայունության բարձրացման հետ:

Տուժածների համար կարելու է «կացարանի ապահովումը» եւ «կապը» շրջապատի մարդկանց հետ:

• Կյանքի նորմալ ընթացքի վերականգնման համար տուժածին ամենից առաջ կացարանով ապահովում է պետք: Կարելու կետ է նաեւ շրջապատի մարդկանց հետ կապը:

Մտածել

Կարողանալ պատկերացնել աղետը:

• Չի կարելի մտածել, որ մեզ հետ ոչինչ չի պատահի, պետք է պարզել, թե ինչ վտանգներ կան այնտեղ, որտեղ ապրում ենք:

• Նաեւ կարելու է սովորական կյանքում աղետին պատրաստվելու ամեն ինչ այն ամենը, ինչ կարող ենք:

Օգնել միմյանց

Շատ կարելու է օգնություն ցույց տալ տուժած շրջանի հասարակության պահանջներին ու կարիքներին համաձայն:

• Անհրաժեշտ է մտածել, թե տուժածներին իրականում ինչ է պետք, կարելու է, որ բարի նպատակներով ցուցաբերված օգնու-

թյունը տուժած շրջանի համար «2-րդ աղետ» չդառնա:

Ստեղծել

Ստեղծել սեփական քաղաքը սեփական ձեռքերով:

• Կարելու է, որ քաղաքի բնակչությունը մասնակցի դրա ստեղծմանը:

• Բացի դրանից, քաղաքի պլանավորումը մարդկանց ու շրջակա միջավայրի համար կհանգեցնի աղետների ժամանակ դրա կայունությանը:

Կարելու է հնարավորինս արագ միջոցներ ձեռնարկել տուժած շրջանի ինքնուրույնությունն ապահովելու համար:

• Ձեռնարկությունների ու խանութների արագ վերաբացումը նպաստում է տուժած շրջանում կյանքի նորմալ ընթացքի ապահովմանը:

• Նույն կերպ, աղետից հետո տնտեսական վերականգնմանն ուղղված ջանքերը նպաստում են դրա վերածնունդին:

Շրջանում տարահանման վայրերը՝ օգնության կենտրոններ



• Աղետի առաջացման ժամանակ կարելու է դրա եւ կյանքի մասին տեղեկատվություն ունենալ:

• Տուժած շրջանում տարահանման կենտրոնները կենսականորեն անհրաժեշտ տեղեկատվության աղբյուր են հանդիսանում:

Շարունակելի

Ճապոնիայի խոշոր երկրաշարժերը

1923 թվական

Սեպտեմբերի 1-3-ը տեղի ունեցավ 8.3 մագնիտուդ ուժգնությամբ երկրաշարժ՝ ըստ Ռիխտերի սանդղակի: Ձոհվեց մոտ 200 հազար մարդ, այդ թվում Յոկոհամա եւ Տոկիո քաղաքներում՝ մոտ 143 հազար, վնասվածքներ ստացան մոտ 200 հազարը, ամօթեւան մնացին մոտ 3.5 մլն-ը: Այդ օրվանից սեպտեմբերի 1-ին՝ «Կանտոյի մեծ երկրաշարժի օրը», ամբողջ ճապոնիայում ուսումնավարություններ են անցկացվում, որոնց նպատակն է բնակչությանը սովորեցնել երկրաշարժերի ժամանակ ճիշտ վարվելակերպի կանոնները:

1948 թվական

Հունիսի 28-ին Ֆուկուի նահանգում տեղի ունեցած (7.3 մագնիտուդ) երկրաշարժը մոտ 4 հազար մարդու կյանք խլեց:

1964 թվական

Հունիսի 16-ին Հոնայու կղզու Ակիտա, Նիիգատա եւ Յամագատա նահանգներում տեղի ունեցավ 7.5 մագնիտուդ ուժգնությամբ երկրաշարժ՝ ըստ Ռիխտերի

սանդղակի: Անօթեւան մնաց 500 հազարից ավելի մարդ:

1993 թվական

Հուլիսի 12-ին երկրաշարժ տեղի ունեցավ Օկուսիրի կղզու շրջանում (7.8 մագնիտուդ): Այն հզոր՝ մինչեւ 7մ բարձրությամբ ցունամի առաջացրեց, որը շարժվում էր մոտ 500 կմ/ժ արագությամբ: Ձուվեց 230 մարդ:

1995 թվական

Հունվարի 17-ին Հոնայու կղզու հարավ-արեւմուտքում տեղի ունեցած՝ Ռիխտերի սանդղակով 7.5 մագնիտուդ ուժգնությամբ երկրաշարժի հետեւանքով զոհվեց 6 308 մարդ: Հատկապես տուժեցին Կոբե, Սումոտո, Կիոտո քաղաքները: Վնասի չափը կազմել է 130 մլրդ դոլար:

2000 թվական

Հոկտեմբերի 6-ին ճապոնիայի հյուսիսում տեղի ունեցավ Ռիխտերի սանդղակով 7.3 մագնիտուդ ուժգնությամբ երկրաշարժ: Տարբեր աստիճանի մարմնական վնասվածքներ ստացան 110



մարդ, մասամբ կան հիմնովին ավերվեց 70 շենք, վնասված շենքերի թիվն անցավ 2 հազարը: Հիմնական հարվածը կրեց Տոտոորի նահանգը:

2003 թվական

Մայիսի 26-ին ճապոնական Հոնայու կղզու հյուսիս-արեւելյան հատվածում Ռիխտերի սանդղակով 7 մագնիտուդ ուժգնությամբ երկրաշարժի հետեւանքով 143 մարդ վնասվածքներ ստացավ:

2003 թվական

Հուլիսի 25-ին ուժեղ երկրաշարժ տեղի ունեցավ ճապոնիայի

հյուսիս-արեւելքում, որի հետեւանքով առնվազն 50 մարդ տարբեր աստիճանի վնասվածքներ ստացավ: Երկրաշարժի էպիկենտրոնը, որի ուժգնությունը 6.2 մագնիտուդ էր՝ ըստ Ռիխտերի սանդղակի, Միյագի նահանգում էր՝ Տոկիոյից 300 կմ հյուսիս:

2003 թվական

Սեպտեմբերի 23-ին ուժեղ երկրաշարժ տեղի ունեցավ ճապոնական Հոկայդո կղզու շրջանում, որի ուժգնությունը 8 մագնիտուդ էր՝ ըստ Ռիխտերի սանդղակի: Տուժեց ավելի քան 770 մարդ, երեքը՝ զոհվեց:



Մարտը գծությունն չի անի

Հայաստանում հաջողությամբ իրականացվեց «Տարձմեռ» պետական մարդասիրական ծրագիրը»։ Աշխարհի ապագայով մտահոգ գիտնականները կանխատեսումներ են անում կլիմայի փոփոխությունների եւ երկրագնդին սպառնացող վտանգների մասին, իսկ մեր ուշադրության կենտրոնում օդերևութաբանների եղանակային կանխատեսումներն են։ Եվրոպական մի շարք երկրներում ձմեռն իսկական անակնկալ մատուցեց եվրոպացիներին՝ հատկապես նրանց, ովքեր ծյունը միայն հեռուստացույցով էին տեսել։ Մեզ համար էլ ձմեռն անակնկալ էր պատրաստել։ Բայց այս անգամ մենք էինք ծյունը հեռուստացույցով նայում։ Ինչեւէ, 2010-ի հայկական ձմեռը հայաստանցիներին համար սպասվածից ավելի մեղմ էր ու տառապալի։

- Գլոբալ մասշտաբով Երկիր մոլորակի վրա ջերմաստիճանը բարձրացել է 0,7 աստիճանով, բայց դա այնքան էլ կարեւոր չէ, քանի որ մարդը դա չի զգում։ Սակայն կարեւոր է այն, որ մոլորակի ջերմաստիճանի բարձրացման հետեւանով խախտվել են օվկիանոս - ցամաք շրջանառության փուլերը։ Դրա հետեւանով ավելացել են արակարգ կլիմայական երեւոյթների հաճախականությունը եւ ուժգնությունը։ Դա է դասճառը, որ այսօր, իհարկե, եղանակային կանխատեսումներ արվում են, բայց թե որ վայրում, երբ եւ ինչ կլիմի՝ դժվար է իմանալ։ Ոչ մի կանխատեսման կենսոն իր վրա չի վերց-

նի այդ աստիճանի ճգնաժամ կանխատեսման դասախոսականությունը, - ասում է ՄԱԶԾ-ի էներգախնայողության եւ կլիմայի փոփոխության ծրագրերի համակարգող Դիանա Հարությունյանը։

Հայաստանում ձմեռն անսովոր որակվեց։ Սպասվածից ավելի տաք էր, կամ, ինչպես ժողովուրդն է ասում, աղքատի ձմեռ էր։



- Նման ձմեռներ դիտվում են Հայաստանում, - ասում է Հայպետհիդրոմետի օպերատիվ հիդրոօդերևութաբանության կենտրոնի պետ Ջարուհի Պետրոսյանը, - այսօրվա ձմեռ մենք տեսել ենք 1963 եւ 1966 թվականներին։ Դեկտեմբեր, հունվար ու, հասկալիքս, փետրվար ամիսներին ջերմաստիճանը հիմնականում բարձր է եղել նորմայից, իսկ փետրվարի երկրորդ շաբաթվա ընթացքում մենք ունեինք այնպիսի եղանակային տայմաններ, որոնք բնութագրական են միայն ամսի համար։

Արդեն սկսվել է օրացուցային գարունն ու, հետաքրքիր է, արդյո՞ք այն կհամընկնի եղանակային գարնան հետ։ Մեր հիդրոօդերևու-

թաբանական ծառայությունը երկարաժամկետ կանխատեսումներ է անում տարին երկու անգամ՝ այսպես կոչվող ցուրտ եւ տաք սեզոնների համար։ Ցուրտ սեզոնի կանխատեսումն արվում է հոկտեմբեր ամսին, իսկ տաք սեզոնինը՝ մարտին։ Այսինքն, այս պահին գարնան երեք ամիսների կանխատեսումը դեռեւս իրականացված չէ, ուստի



դեռ վաղ է խոսել գարնանային անակնկալների մասին։ Բացի դրանից, մեր երկրի տարբեր վայրերում գարունը տարբեր ամիսներին է գալիս։ Եթե Երեւանում այն սկսվում է փետրվարի վերջին օրերից, ապա բարձր լեռնային շրջաններում՝ ապրիլի երրորդ տասնօրյակից։

- Իհարկե, դա չի վերաբերում այս տարվան, քանի որ, կարելի է ասել, 2010-ի ձմեռը հանդիմանաբար ողջ տարածքում հիմնականում ունեցել ենք գարնանային ռեժիմ, այսինքն՝ միջին օդային ջերմաստիճանը հոկտեմբերի ցիքաներում 0-ից բարձր է եղել, - ասում է Ջարուհի Պետրոսյանը։

Հայաստանում օդի ջերմաստիճանի՝ գրոյից իջնելու հավանականությունն այս պահին գրո է, եթե, իհարկե, արտասովոր եղանակային ռեժիմները նոր անակնկալներ չմատուցեն։ Եղանակային կարճաժամկետ կանխատեսումներ մարտի համար արդեն կան։

- Մեմ տղաւում եմ, որ միայն ամիսը կլիմի նորմայի սահմաններում։ Դա նշանակում է, որ երեւանցիները լիքով են ակնկալում մոտավորապես այնպիսի եղանակային տայմաններ, ինչպիսիք եղել են փետրվար ամսին՝ փոքր-ինչ բարձր, - ներկայացնում է հիդրոօդերևութաբանության կենտրոնի պետը։

Բացի դրանից, մարտ ամսից արեգակը գնալով սկսում է ակտիվանալ ու, հետեւաբար, օդի ջերմաստիճանը սկսում է բարձրանալ։ Այսպես եղել է միշտ, սակայն վերջին տարիներին եղանակը սկսել է անակնկալներ մատուցել, եւ եղել են դեպքեր, երբ օդի ջերմաստիճանը կտրուկ իջել է մեկ-երկու օրով՝ վնասելով ծառերի բողբոջները։ Մասնագետների կարծիքով, այսօր արդեն, անցյալ դարի եղանակի փոփոխության վերլուծության արդյունքում ձեւավորված միջինացված տվյալները փոխվել են, եւ, կլիմայի գլոբալ տաքացման երեւոյթի պատճառով, պատմականորեն ձեւավորված տվյալներն այնքան էլ կիրառելի չեն։ Դա ավելի կանխատեսելի էր առաջ, երբ մարդու ազդեցությունը եղանակի ձեւավորման վրա շատ ավելի քիչ էր, քան այսօր։

- Եղանակի ճգնաժամ կանխատեսման հնարավորությունն այսօր կախված է ոչ այնքան ֆինանսա-

կան հնարավորություններից, այլ բուն ֆիզիկական երեւոյթից, - ասում է ՄԱԶԾ-ի էներգախնայողության եւ կլիմայի փոփոխության ծրագրերի համակարգող Դիանա Հարությունյանը, - ինչն այսօր բավական անորոշ է։ Սակայն հստակ է մի բան. կլիմայի փոփոխությունը կարող է հանգեցնել ճնշական ու մարդկային կորուստների, ուստի երկրները լիքով են ակտիվացնում արեւադ իրավիճակներին եւ կառավարելով դրան։ Դա կոչվում է ռիսկի կառավարում։ Դա բազմազոր ծնող համակարգ է, որի մեջ մտնում են առաջնությունը, ծիւց կառուցադրումը, գեների հունների մաքրումը, ափերի ամրացման առաջնությունների ժամանակին իրականացումը եւ այլն։ Դրանց կարեւորությունն այսօր ավելի է մեծացել, քանի որ արեւադ եղանակային երեւոյթներն ավելի ուժգնանալու են, դրա միջոցով կա, եւ դա որոշու ուղեցույց տված է բոլոր երկրներին, որ իրենք, այսօր ասած, հարմարվողականության հաղթականություն մշակեն։

Վաղ գարնանային ցրտահալություններն ու կարկտահարումները վերջին տարիներին լուրջ վնաս են հասցրել մեր երկրի գյուղատնտեսներին, ուստի այս օրերին, հատկապես գյուղատնտեսների ուշադրության կենտրոնում, եղանակային կանխատեսումներն են։ Թե ինչպիսին կլիմի անսովոր ձմեռը հաջորդող գարունը, կտեղեկանանք մարտի վերջին, խոստանում են հայիդրոօդերևութաբանները։

Արմինե Գրիգորյան



1-01 հրշեջ ծառայություն

Աղետալի հրդեհների պաշտպանություն

Անդրադառնալով պատմությանը հայտնի մի շարք հրդեհների, որոնք տեղի են ունեցել մարդկանց զանգվածային ներկայությամբ օբյեկտներում եւ պատճառ են դարձել բազմաթիվ զոհերի, խեղանդամությունների եւ խոշոր նյութական կորուստների։

Բարձր հարկայնության շենքեր

Բարձր հարկայնության շենքերի հրդեհավտանգավորությունը բնութագրվում է հրդեհի արագ տարածմամբ եւ հրդեհաշիջման բարդությամբ։ Պատճառը շենքերի բարձրությունն է, հրդեհաշիջման միջոցները վերին հարկեր հասցնելու եւ ծխապատման գոտուց մարդկանց տարահանման դժվարությունները։ Այդպիսի շենքերում տեղի ունեցած խոշոր հրդեհների ուսումնասիրությունը ցույց է տալիս, որ ծխի տարածման հիմնական ուղիներն են սանդղավանդակները, վերելակների հորանները եւ հաղորդակցության (կոմունիկացիոն) այլ ուղիները։ Ծխապատման աղբյուր կարող են հանդիսանալ նաեւ այրվող վերելակների խցիկները։ Բարձր ջերմաս-

տիճանի ազդեցությունից վերելակների կառավարման սարքավորումները շատ արագ շարժից դուրս են գալիս եւ վերելակների խցիկները բլոկավորվում են հորաններում։ Այդ իսկ պատճառով, վերելակներն ու սովորական սանդղավանդակները չեն կարող ապահովել հրդեհի դեպքում մարդկանց անվտանգ տարահանումը։ Դեռ ավելին, միջանցքների եւ վերելակասրահների հարդարման համար օգտագործվող գնազան դյուրավառ նյութերի առկայությունը նպաստում է հրդեհի արագ տարածմանը եւ մեծ չափեր ընդունելուն։

Բարձրաբերձ շենքերի հրդեհաշիջման աշխատանքների իրականացման համար պահանջվում է մեծ քանակությամբ ուժերի եւ հատուկ տեխնիկայի (ավտոսանդուղքներ, գազածխապաշտպան ծառայության ավտոմեքենաներ, բարձր ճնշման պոմպեր եւ այլն) ներգրավում։ Բարեբախտաբար մեր հանրապետությունը խուսափել է համանման աղետալի հետեւանքներով հրդեհներից (չնայած բարձրաբերձ շենքերում պարբերաբար տեղի ունեցող հրդեհներին), սակայն բարձր հարկայնության շենքերի անմխիթար հա-

կահրդեհային վիճակը լուրջ մտահոգության տեղիք է տալիս։ Բնակիչների կողմից թույլ տրված ապօրինությունների հետեւանքով ծխահեռացման եւ ինժեներական հաղորդակցման հորանները, վերելակների նախասրահներն ու սանդղավանդակների հարթակները վերածվել են խորդանցքների, փակվել են տարահանման համար նախատեսված եւ առանձնակի կարեւորություն ներկայացնող միջանցքի ճանապարհները։ Նման իրավիճակը զգալիորեն բարդացնում է հրդեհի ժամանակ իրականացվող հրդեհաշիջման եւ փրկարարական աշխատանքների իրականացումը եւ կարող է հանգեցնել խուճապի՝ լուրջ եւ ծանր հետեւանքներով։

Հայտնի է, որ բարձրաբերձ շենքերում հրդեհներն ուղեկցվում են այրման պրոցեսի արագ զարգացմամբ, մեծ քանակությամբ ջերմության եւ այրման արգասիքների գոյացմամբ, ինչն առաջ է բերում սանդղավանդակների, միջանցքների, սենյակների եւ այլ ծավալային կոմունիկացիաների ծխապատում։ Վիճակագրական տվյալները ցույց են տալիս, որ զոհերի գերակշռե մասը՝ շուրջ 80%-ը, մահանում են այրման արգա-

սիքներից թունավորվելու եւ խեղդվելու հետեւանքով։ Այդ իսկ պատճառով հակահրդեհային պաշտպանության համակարգում առաջին հերթին պետք է նախատեսվի տարահանման ուղիների հակածխային պաշտպանություն։ Շենքերի հակահրդեհային պաշտպանության համակարգում պետք է ներգրավվեն հրդեհի ահագանգման եւ հրդեհաշիջման ինքնաշխատ համակարգերը, օդի դիմաքի եւ ծխահեռացման ավտոմատացված համակարգերը։ Մեծ նշանակություն է տրվում նաեւ ներքին հակահրդեհային ջրամատակարարման ցանցի առկայությանը, վթարային լուսավորությանը եւ տարահանման ուղիների նշանակը։

Հրդեհների ժամանակ հաճախի հայտ են գալիս թերություններ ու սխալներ, որոնք թույլ են տրվել շենքի նախագծման, շինարարության եւ շահագործման ընթացքում։ Հակահրդեհային անվտանգության խնդիրների պահանջները նույնիսկ աննշան շեղումը կարող է բերել լուրջ հետեւանքների։ Հակահրդեհային պաշտպանության բարձր աստիճանի կարելի է հասնել միայն նախագծային, կոնստրուկտիվ եւ տեխնիկական լուծումների միաժամանակյա կիրառման շնորհիվ։

Սակայն, հարկ է գիտենալ, որ ոչ մի վերահսկողություն եւ տեխնիկա ցանկալի արդյունք չի տա, եթե մարդիկ ընթերցումով չվերաբերվեն հրդեհային անվտանգության հար-

ցերին։ Յուրաքանչյուր ոք, ով բնակվում կամ աշխատում է բարձրաբերձ շենքում, պետք է գիտենա շենքի հակահրդեհային պաշտպանության վերաբերյալ հիմնական տվյալները, հրդեհի մասին տեղեկացման եւ հրդեհաշիջման գործողությունների կարգը, տարահանման ձեւերն ու միջոցները եւ այլն։ Հրդեհներին ուշացումով ահագանգելը, մարդկանց տարահանելու եւ հրդեհը սկզբնական փուլում մարելու՝ վարչակազմի եւ ծառայողների անկարողությունը, վտանգի մասին ազդարարող համակարգերի բացակայությունը, հրդեհի ահագանգման եւ հրդեհաշիջման ինքնաշխատ համակարգերի բացակայությունը, որպես կանոն, բազմահարկ շենքերում հրդեհների տեղիք են տալիս՝ ուղեկցվելով ողբերգական հետեւանքներով։ Հրդեհների փորձը ցույց է տալիս, որ այնտեղ, որտեղ մարդիկ խուճապի չեն մատնվել եւ նրանց գործողությունները եղել են ակտիվ ու գիտակցված՝ հրդեհների հետեւանքները ծանր չեն եղել, եւ ընդհանրապես։ Այնպես որ, հրդեհներից եւ դրանց աղետալի հետեւանքներից խուսափելու լավագույն եւ փորձված միջոցը եղել է մնում է հրդեհային անվտանգության կանոնների պահանջների իմացությունն ու անշեղ կատարումը։

Շարունակելի

Սերգեյ Հայրապետյան
ՀՀ ԱԻՆ ՖՓԾ ՊՊՏ
ՀՀԿԶԶ բաժնի պետ



հոգեբանի սենյակ

Ինչու՞ են երեխաները նմանակում ծնողներին

Մեզանից յուրաքանչյուրը, եթե մի քիչ ավելի ուշադիր լինի, ապա անպայման կնկատի, որ 1,5 տարեկանից սկսած, երեխան կրկնում է այն ամենն, ինչ անում են իր ծնողները: Աղջիկները հաճուքով կրկնօրինակում են մայրիկի շարժումները՝ ուտելիք պարտաստելը, երեխային խնամելու առանձնահատկությունները, տղաները նմանակում են հայրիկին, թե ինչպես է նա թերթ կարդում, ծխում, խոսում եւ այլն: Մեծահասակներին կարող է այս ամենը խաղ թվալ, իսկ ծայրահեղ դեպքում էլ՝ դուր չգալ, սակայն իրականում այդ ամենը շատ կարեւոր եւ օգտակար է երեխայի զարգացման համար:

Ծնված օրվանից փոքրիկը փորձում է ամեն կերպ հաղորդակցվել ծնողի հետ: Սկզբնական շրջանում երեխայի եւ ծնողի միջեւ շփումն իրականանում է գուռ միմիկայի միջոցով: Այնուհետեւ երեխան, աստիճանաբար լսելով ծնողի ձայնը, հիշելով նրա ծայրի ինտոնացիան, դեմքի արտահայտությանը՝ ձեռք է բերում մարդկանց հույզերը եւ զգացմունքները ճանաչելու մեծ փորձ, սովորում է հասկանալ նրանց խոսքը եւ արձագանքում է դրանց: Տարիքի հետ երեխայի հնարավորություններն ավելի են մեծանում, եւ նա սկսում է նմանակել ծնողների ավելի բարդ գործողություններ: 2-3 տարեկանում երեխան արդեն նկատելի կերպով կրկնօրինակում է շատերի ծեստերը, վարքի ձեւերը, հույզերը: Ծնողի հետ ամսօրյական շփման եւ նրան նմանակելու հետեւանքով երեխան ձեռք է բերում հաղորդակցման հմտություններ:

Ներ, որոնց հիման վրա էլ մշակում է շփման իր ձեւը՝ համապատասխան իր խառնվածքին եւ անհատականությանը:

Ուրիշներին նմանակելը երեխային բնորոշ հատկություններից մեկն է: Այստեղ շատ կարեւոր է, թե երեխան ում է նմանակում եւ ինչպես, ում է նա ընտրում որպես նմանակման օբյեկտ, այն դրակա՞ն, թե՞ բացասական ազդեցություն ունի երեխայի վրա: Նմանակումը որեւէ կերպարի հետ նույնականանալու գործընթաց է: Այդ կերպարը կարող է լինել մայրիկը, հայրիկը կամ այլ անձ, ով չափազանց կարեւոր է երեխայի համար: Նա իր ընտրած կերպարին սկսում է նմանակել՝ դերային խաղեր խաղալու միջոցով: Սկզբնական շրջանում դերային խաղերի թեման պտտվում է գուռ ընտանիքի շուրջը, հետո այն աստիճանաբար ավելի ընդարձակ բնույթ է կրում: Օր.՝ մայրիկն ինչ-որ բան է պատրաստում խոհանոցում, տունն է հավաքում, մազերն է հարդարում, այս ամենը շատ է հետաքրքրում երեխային, ինչը նա ընկալում է որպես շատ զվարճալի եւ առեղծվածային մի խաղ: Երեխան կրկնում է մեծերի կողմից իրականացվող գործունեությունը, որպեսզի հասկանա այդ երեւույթների նշանակությունը եւ իմաստը: Այս միջոցով երեխան միջավայրը դարձնում է իր համար հասկանալի: Սա երեխայի զարգացման կարեւոր եւ անհրաժեշտ փուլ է, որը պահանջում է ուշադրության կենտրոնացում, որպեսզի կարողանա ֆիքսել բոլոր մանրամասնությունները: Երեխային սկսում են ավելի հետաքրքրել մայրիկի եւ

հայրիկի «խաղալիքները», քան նրանք, որ իրեն են պատկանում:

Փորձեք մաքսիմալ արդյունավետ օգտագործել այդ ժամանակը: Իրական իրերի խաղալիք տարբերակները՝ հեռախոս, խոհանոցային սպասք, պլաստմասե գործիքներ եւ շատ այլ խաղալիքներ օգնում են երեխային նախապատրաստվել մեծերի կյանքին: Փորձեք հնարավորինս ամեն ինչ երեխայի հետ միասին անել: Միա-



սին հաց կերեք, լվացվեք, հագնվեք, խաղեր խաղացեք: Մանրամասն մեկնաբանեք ձեր գործողությունները երեխային հասկանալի ձեւով. դուք նրան օգնում եք սովորել ինքնասպասարկման հմտություններ:

Աղջիկների ամենաառաջին դերային խաղը «մայր ու աղջիկ» խաղն է: Հետո խաղերն ավելի են բարդանում, ավելանում են նոր սյուժեներ, դերեր՝ բժիշկ, զինվոր, արքայադուստր եւ այլն: Այսպես

երեխան սովորում է մեծահասակ լինել: Մի դերից մյուսին անցնելով՝ երեխան սովորում է կողմնորոշվել մարդկային տարբեր մասնագիտությունների եւ առարկաների միջեւ: Այսինքն, երեխան սկսում է հասկանալ, թե ինչի համար են օր.՝ ջերմաչափը, դեղերը: Բացատրեք երեխային, թե ինչի համար են այս կամ այն գործիքներն, իրերը: Խաղի ժամանակ փոխեք ձեր դերերը, որպեսզի պարզեք, թե երեխան որքանով է ճիշտ հասկացել այս կամ այն գործիքի դերը եւ նշանակությունը: Մի կարծեք, թե ժամանակն անիմաստ եք վատնում՝ այդ շփումը շատ կարեւոր է երեխայի համար, քանի որ նա ձեռք է բերում արդյունավետ ինքնուրույն փորձ, դուք ոչ միայն խաղում եք երեխայի հետ, այլ ծանոթացնում եք նրան անձանոթ իրերի հետ:

Երեխաները շատ բաներ սովորում են ուրիշներից, սակայն, ցավոք, միշտ չէ, որ սովորում են լավ բաներ: Երեխան սպունգի նման կլանում է նաեւ վատը: Նա ծեծում է տիկնիկին, հարվածում է դռանը, բղավում է արջուկի վրա եւ այլն: Այս ամենի միջոցով երեխան դուրս է բերում իր բացասական հույզերը, լարվածությունը:

Մեր երեխաները վերցնում են ծնողի սովորույթներն անկախ նրանից՝ դրանք դրական են, թե բացասական: Երեխան հակված է նաեւ նմանակել իր մեծ քույրիկին կամ եղբորը: Երբ երեխան սկսում է նմանակել ֆիլմի կամ մուլտֆիլմի հերոսին, ծնողներն առաջին հերթին պետք է մտածեն՝ արդո՞ք այդ նմանակումը դրականորեն կանդրադառնա երեխայի վրա: Ուշադիր եղեք, թե նա ինչ հերոս-

ներ է ընտրում նմանակելու համար: Երեխային դեռեւս դժվար է տարանջատել լավը վատից, իսկ դուք պետք է օգնեք նրան, բացատրեք, թե ինչու է այս հերոսը դրական, իսկ մյուսը՝ բացասական: Դուք պետք է ուշադիր լինեք, թե երեխան ինչ ֆիլմեր եւ մուլտֆիլմեր է նայում, ինչ հեքիաթներ եք կարդում նրա համար: Դուք կարող եք ուղղորդել ձեր երեխայի վարքը՝ օրինակներ բերելով իր սիրելի հերոսներից: Օր.՝ «Թեդի արջուկն իրեն այդպես չի պահում, ես կարծում եմ նա իրեն այսպես կպահեր»: Այս ամենը բավական է, որ երեխան շարժվի արջուկի օրինակով:

Լինում են դեպքեր, երբ երեխան վատ վարվելաձեւ է յուրացնում մանկապարտեզում կամ մանկական խաղահրապարակում: Երբեմն ծնողները բարկանում են երեխայի վրա ու պատժում, սակայն ուսումնասիրությունները ցույց են տվել, որ այդ մոտեցումն ավելի շատ ամրապնդում է երեխայի վատ վարքը, քան նպաստում դրա չկրկնվելուն: Թե ո՞ր միջոցն առավել արդյունավետ կլինի, որ երեխան չկրկնի վատ արարքը՝ վիճելի հարց է: Առավել արդյունավետ կլինի, երբ դուք երեխայի ուշադրությունը սեւեռեք իր դրական պահվածքի վրա, խրախուսեք նրա լավ արարքները, որն էլ կնպաստի դրանց հաճախակի կրկնվելուն:

**Աննա Կարապետյան
հոգեբան-խորհրդատու**

**Ձեր հարցերը հոգեբանին
կարող եք ուղարկել
hogeban@emergency.am էլ.
հասցեով:**

Հայտարարություն

Հայաստանի Հանրապետության Արտակարգ իրավիճակների նախարարության Հայաստանի փրկարար ծառայությունը հայտարարում է մրցույթ՝ ծառայության աշխատակազմում (այսուհետ՝ Աշխատակազմ) քաղաքացիական ծառայության հետեւյալ թափուր պաշտոններն զբաղեցնելու համար

1. Պետական հրդեհային տեսչության Սյունիքի մարզային հրդեհային տեսչության տեսչական բաժնի (այսուհետ՝ Բաժին) առաջին կարգի մասնագետ (ծածկագիր՝ 34/1-4.2-39)
 2. Պետական հրդեհային տեսչության Տավուշի մարզային հրդեհային տեսչության տեսչական բաժնի (այսուհետ՝ Բաժին) առաջին կարգի մասնագետ (ծածկագիր՝ 34/1-4.2-44)
- Մասնակցում է Բաժնի առջեւ դրված գործառնություններից բխող խնդիրների վերլուծությանը եւ գնահատմանը: Իրականացնում է հրդեհատեխնիկական հետազոտություններ, հաշվառում է սպասարկման տարածքում գտնվող օբյեկտների հակահրդեհային ինքնաշխատ համակարգեր եւ դրանց տեխնիկական վիճակի վերաբերյալ գեկուցումներ է մեկնապատրաստում: Իր լիազորությունների շրջանակներում նախապատրաստում է առաջարկություններ, տեղեկանքներ հաշվետվություններ, զեկուցագրեր եւ այլ գրություններ:
- 1-2 կետերում նշված թափուր պաշտոններն զբաղեցնելու համար

մրցույթը կկայանա 21.04.2010 թ. ժամը 14:15-ին, Հայաստանի փրկարար ծառայության շենքում (ք. Երեւան Պուշկինի 25):

Նշված թափուր պաշտոններն զբաղեցնելու համար պահանջվում է՝

- միջնակարգ կրթություն,
- տրամաբանելու, տարբեր իրավիճակներում կողմնորոշվելու ունակություն,
- անհրաժեշտ տեղեկատվության տիրապետում,
- 1-2 կետերում նշված պաշտոնների անձնագրերի 10-րդ կետի «բ» ենթակետում նշված իրենց լիազորությունների հետ կապված իրավական ակտերի անհրաժեշտ իմացություն,
- համակարգչի եւ ժամանակակից այլ տեխնիկական միջոցներով աշխատելու ունակություն, ինչպես նաեւ այլ անհրաժեշտ ծրագրային միջոցների տիրապետում,
- անհրաժեշտ (պարտադիր) կառավարչական հմտությունների եւ ունակությունների, ինչպես նաեւ նշված պաշտոնների անձնագրերով նախատեսված գործառնություններից բխող կառավարչական հմտությունների եւ ունակությունների տիրապետում (Ցանկեր N 1, 2):

3. Պետական հրդեհային տեսչության եղարքունիքի մարզային հրդեհային տեսչության հրդեհների հաշվառման, վերլուծության եւ հակահրդեհային քարոզչության բաժնի (այսուհետ՝ Բաժին) առաջատար մասնագետ-տեսուչի (ծածկագիր՝ 34/1-3.3-18)

Իրականացնում է հրդեհների հաշվառման, վերլուծության աշխա-

տանքներ եւ հակահրդեհային քարոզչություն: Կատարում է ներկայացվող հաշվետվությունների վերլուծություն: Զբաղվում է հրդեհների հաշվառման, վերլուծության աշխատանքներով եւ հակահրդեհային քարոզչության ոլորտներին վերաբերող իրավական ակտերի մշակմամբ եւ լրամշակմամբ: Մասնակցում է սեմինարների եւ հանդես է գալիս գեկուցումներով:

Նշված թափուր պաշտոնն զբաղեցնելու համար պահանջվում է՝

- բարձրագույն կրթություն
- քաղաքացիական ծառայության պաշտոններում կամ համայնքային ծառայության պաշտոններում առնվազն երկու տարվա ստաժ, կամ վերջին երեք տարվա ընթացքում քաղաքական կամ հայեցողական, բացառությամբ Հայաստանի Հանրապետության համայնքների ղեկավարների տեղակալների, խորհրդականների, մամուլի քարտուղարների, օգնականների եւ ռեֆերենտների պաշտոնների, կամ քաղաքացիական պաշտոններում առնվազն մեկ տարվա աշխատանքային ստաժ, կամ առնվազն երեք տարվա մասնագիտական աշխատանքային ստաժ, կամ պետական կառավարման ոլորտի առնվազն մեկ տարվա աշխատանքային ստաժ:
- տրամաբանելու, տարբեր իրավիճակներում կողմնորոշվելու ունակություն

- անհրաժեշտ տեղեկատվության տիրապետում,
- համակարգչով եւ ժամանակակից այլ տեխնիկական միջոցներով աշխատելու ունակություն:

- Նշված պաշտոնի անձնագրի 10-րդ կետի «բ» ենթակետում նշված իրենց լիազորությունների հետ կապված իրավական ակտերի անհրաժեշտ իմացություն,
- անհրաժեշտ (պարտադիր) կառավարչական հմտությունների եւ ունակությունների, ինչպես նաեւ նշված պաշտոնների անձնագրով նախատեսված գործառնություններից բխող կառավարչական հմտությունների եւ ունակությունների տիրապետում (Ցանկեր N 1, 2):

Դիմող ՀՀ քաղաքացիները Աշխատակազմ (ք. Երեւան, Պուշկինի 25) պետք է ներկայացնեն հետեւյալ փաստաթղթերը՝

- դիմում՝ մրցութային հանձնաժողովի անունով (ծելը լրացվում է փաստաթղթերը ներկայացնելիս),
- տվյալ պաշտոնն զբաղեցնելու համար մասնագիտական գիտելիքների եւ աշխատանքային ունակությունների տիրապետման տեսանկյունից ներկայացվող պահանջների բավարարումը հավաստող փաստաթղթերի՝ դիպլոմ(ներ)ի, վկայական(ներ)ի, աշխատանքային գրքույկի (վերջինիս բացակայության դեպքում անհրաժեշտ է ներկայացնել տեղեկանք համապատասխան մարմնից) պատճենները՝ բնօրինակների հետ միասին,
- արական սեռի անձինք՝ նաեւ

զինվորական գրքույկի կամ դրան փոխարինող ժամանակավոր զորակոչային տեղամասին կցագրման վկայականի պատճենը՝ բնօրինակի հետ միասին, կամ համապատասխան տեղեկանք,

- մեկ լուսանկար՝ 3X4 սմ չափսի,
- անձնագրի պատճենը:

ՀՀ քաղաքացին մրցույթին մասնակցելու համար փաստաթղթերը հանձնում է անձամբ՝ ներկայացնելով անձնագիր:

ՀՀ քաղաքացիները մրցույթին ներկայանում են անձնագրի, դիպլոմի, աշխատանքային գրքույկի, իսկ արական սեռի անձինք՝ նաեւ զինվորական գրքույկի կամ դրան փոխարինող ժամանակավոր զորակոչային տեղամասին կցագրման վկայականի բնօրինակներով:

Փաստաթղթերն ընդունվում են ամեն օր՝ ժամը 9:30-12:30-ը, բացի շաբաթ եւ կիրակի օրերից:

Դիմումների ընդունման վերջին ժամկետն է՝ 19.03.2010 թ.:

Մրցույթներին մասնակցել գանկացող ՀՀ քաղաքացիները լրացուցիչ տեղեկություններ ստանալու, ինչպես նաեւ պաշտոնի անձնագրերին եւ հարցաշարերին ծանոթանալու համար կարող են դիմել Աշխատակազմի անձնակազմի կառավարման վարչություն (ք. Երեւան, Պուշկինի 25, հեռ. 53 - 07 - 87):

Միաժամանակ տեղեկացվում է, որ մրցույթներին մասնակցելու համար ՀՀ քաղաքացիների ներկայացրած փաստաթղթերի պատճենները հետ չեն վերադարձվում:

[illegible]